

նակներ սեղմած մատերով... Ահա մի բազուկ երկարում է, բռնում է վարիչի կոկորդից, ուզում է խեղդել... խեղդել...

Վարիչը ուշքի է գալիս, դուռը բաց անում ու նետում մօտակայ սենյակը: Բազկաթռուի վրայ, գլուխը կախած, ոտքերը երկարած, ձայնը կորցրած տենօրը, խոզի խորովածից յետոյ, քնել էր եւ աղմկալից խոնիրում էր:

— Աւանան՛կը, նորից լալիւ է, — մտածեց վարիչը...

* * *

Երաժշտանոցի մեծ դահլիճը ծայրէ ծայր լիցուն էր:

Նոյն ժամին՝ Համլէթ, Օթելլօ, Եագօ՝ ողբերգու եւ կատակերգու բոլոր գերասանները, տարիքը առած եւ չառած գեղուհիները, յուշարար, բեմավար, բեմադարձ, Դօն Ժուան, Դօն Կիստո՝ բոլոր ժեստերը, բոլոր զրականութիւնները իրենց գլուխը մտահոգ կախած ներս էին մտնում Պետական Թատրոնի չէնքից:

Նոյն ժամին՝ տասը բոսէ պակաս՝ Համալսարանի դասախօսները նստում էին մանկավարժական Թանգարանի սրահում չարած նըստարանների վրայ, գնդասեղով ծակուած դոյնըզոյն թիթեռնիկների, չորացած խլեղների, չիշերում ոլորուած օձերի եւ հանքային քարերի հետ:

Երաժշտանոցում զտում է պրոլետ մի բանաստեղծ:

Թատրոնում զտում է պրոլետ մի տխմար:

Համալսարանը զտում է Լուսաւորութեան Կոմիսարիատի մօրուքաւոր, երկայնահասակ եւ ջղադրդիւ մի պաշտօնեայ:

Սեղան, թուղթ, զրիչ: Երկու կողմից իւրոտ մաղերով աղջիկներ:

Երաժշտանոցում մթնոլորտը լարուած է: Չայկովսկին մեկնել է Սպանիա եւ Մոցարտը requiem է երգում: Խոր լուծիւնը դադար ուներին ման է գալիս: Գերմանական եւ իտալական դալրոցի դաշնամուրները փակուել են: Տենօրը մոռացել է իր հռչակաւոր «Կռունկը», իսկ վարիչը դէմքին մոմ է հալել: Սակայն, վայր ընկած այս կուրծքերի մէջ մի բան ցցուել է: Տիկինը: Ասես փայտ է կուլ տուել: Ուղիղ, չորացած ծառի նման, այտերը ներս

ընկած, աչքերը պղծած, չթունքները սեւցած եւ ծնօտը քար կտրած:

Նախագահը՝ տօ, սրա՛ն նայի՛ր՝ աշխատում է խօսել քաղաքավարի ձայնով, որպէսզի աւելի սոսկալի երեւնայ: Աղջիկների ահանջին բաներ է փախում, թղթի վրայ նշաններ դնում, աչքերը յառում ետեւը կանգնած չեկիստ աշակերտների վրայ: Վարիչը ծունկը բռնում է, որպէսզի չխաղայ, չորս կորմը նստում լեղի փպիտով ու մաղերը վեր առնում:

Կրակ ու բոց տեսած այս մարդիկ նստել են խիստ քննութիւն անցնող երախաների նըման՝ սպրդնած, վախով լեցուն, տարօրինակ մի ճակատագրի հլու հպատակների պէս: Ամէն մարդ զոզում է իր կտոր հացի համար, որովհետեւ գիտէ, որ եթէ «զտուի» եւ դադրի դառնալ պրօֆիտիւթեան անդամ, կը զրկուի իր պաշտօնից, կէսօրուան ճաշից, երեկոյեան կերած հաց պանիրից, աղտոտ եւ ցուրտ սենեակից: Կը դադրի մարդ լինել, կը վերածուի մի տեսակ պարիսպի, կը զրկուի առանց նրան էլ դոյութիւն չունեցող իրաւունքներից:

Իրանցից չատերը, տաժանելի այդ տարիները կրել էին իրենց նիհարած ուսերի վրայ, երգել ու նուագել էին կէս անթի, հրամանների մտրակի տակ բեմ էին բարձրացել կարմիր բանակայիկների եւ անորոշ ամբողջների առջեւ զանազան սօնատներ նուագելու համար, տենդոտ ձեռքերով աղեղներ էին փշրել, ճըպոտների տակ լարերի սիրտը մաշել, հիւանդ կոկորդով մեղամաղձոտ երգեր հառաչել, եւ ամսի վերջին կէս փութ ցորեն եւ մի ֆունտ փչացած ձուկ ուսերին դրած վերադարձել էին խոնաւ խուցերի մութ անկիւնները, իրենց բըծաւոր տիֆօն եւ բազմատեսակ մալարիաները կերակրելու համար:

Նոյն այդ երաժշտանոցը կազմակերպուել էր ընդհանուր թշնամութեան, քմծիծաղի, հաղար տեսակ ինտրինգների տակ: Տունէ տուն աթոռ էին փնտուել, մի կտոր կարպետ, մի դաշնամուր: Կոմիսարիատների առջեւ փող էին մուրացել, հիւանդանոցների առջեւ մահճակալ, ամերիկացիների առջեւ հին կօշիկ եւ ըզգեստ: Մեծ փոթորիկից ճողոպրած, անպիտուր այդ թռչունները, ուսական դաշտերից փախել էին հայրենի երկիր, կիսաքանդ տա-